

# STJÓRNARTÍÐINDI B 73 – 1990

---

---

19. nóvember 1990

1273

Nr. 476

## AUGLÝSING

**um staðfestingu á breytingu á áður staðfestum skipulagsuppdrætti af svæðinu milli Ingólfsstrætis, Hverfisgötu, Smiðjustígs, Laugavegs og Bankastrætis í Reykjavík.**

Samkvæmt skipulagslögum nr. 19, frá 21. maí 1964 hefur ráðuneytið hinn 15. nóvember 1990 staðfest deiliskipulagsuppdrátt af staðgreinireit 1.171.1, sem markast af Hverfisgötu, Smiðjustíg, Laugavegi og Traðarkotssundi. Deiliskipulagsuppdráttur þessi er breyting á staðfestum skipulagsuppdrætti frá 6. mars 1963 af svæðinu milli Ingólfsstrætis, Hverfisgötu, Smiðjustígs, Laugavegs og Bankastrætis. Breytingin er fólgin í því að í stað verslunar- og þjónustuhúsnæðis á horni Hverfisgötu og Smiðjustígs kemur bílastæðahús ásamt verslun og þjónustu.

Uppdráttur þessi hefur hlotið þá meðferð, sem skipulagslög nr. 19/1964 mæla fyrir um. Borgarstjórn Reykjavíkur hefur samþykkt hann og skipulagsstjórn ríkisins afgreitt hann til staðfestingar ráðherra.

*Félagsmálaráðuneytið, 19. nóvember 1990.*

F. h. r.

**Berglind Ásgeirsdóttir.**

*Hólmfríður Snæbjörnsdóttir.*

5. september 1990

Nr. 477

## SAMÞYKKT

**um breytingu á samþykkt um stjórn og fundarsköp Eyrarbakka-  
hrepps nr. 333, 30. júní 1987.**

1. gr.

C. liður 56. gr. orðist svo:

**1. Áfengisvarnarnefnd.**

Tveir aðalmenn og jafnmargir til vara skv. 30. gr. áfengislaga nr. 82/1969.

**2. Byggingar- og skipulagsnefnd.**

Fimm aðalmenn og jafnmargir til vara skv. 6. gr. byggingarlaga nr. 54/1978. Jafnframt skal nefndin fjalla um og gera tillögur til hreppsnefndar um skipulags- og landnýtingarmál og í umhverfis- og fegrunarmálum í hreppnum.

**3. Félagsmálanefnd.**

Þrjú aðalmenn og jafnmargir til vara. Félagsmálanefnd annast störf þau, sem framfærslu- nefnd og barnaverndarnefnd eru falin skv. 26. gr. laga nr. 80/1947 og II. kafla laga nr. 53/1966.

Jafnframt fer félagsmálanefnd með stjórn öldrunarmála, þ.m.t. heimilishjálp skv. samþykkt um heimilishjálp í Eyrarbakkaheppi nr. 431/1975 og umsjón með félagsstarfi öryrkja og eldri borgara í hreppnum. Svo og fer félagsmálanefnd með störf jafnréttisnefndar sbr. lög nr. 65/1985.

4. **Heilbrigðisnefnd Selfossvæðis.**

Einn fulltrúi í nefndina og annar til vara skv. 6. gr. laga nr. 109/1984 um hollustuhætti og heilbrigðiseftirlit.

5. **Húsnæðisnefnd.**

Þrír aðalmenn og jafnmargir til vara skv. lögum nr. 70/1990 um breytingu á lögum um Húsnæðisstofnun ríkisins nr. 86/1988, sbr. lög nr. 109/1988 og nr. 76/1989.

6. **Kjörstjórn við sveitarstjórnarkosningar.**

Þrír aðalmenn og jafnmargir til vara skv. 23. gr. sveitarstjórnarlaga nr. 8/1986.

7. **Skólanefnd.**

Þrír aðalmenn og þrír til vara. Nefndin annast störf skólanefndar Barnaskólans á Eyrarbakka skv. 17. og 18. gr. laga nr. 63/1974 um grunnskóla og fer jafnframt með stjórn Leikskólans á Eyrarbakka.

8. **Stjórnarnefnd vinnumiðlunar.**

Þrír aðalmenn og jafnmargir til vara skv. 9. gr. laga nr. 18/1985 um vinnumiðlun.

9. Einn **forðagæslumaður** og annar til vara skv. 53. gr. búfjárræktarlaga nr. 31/1973.

10. **Byggðasafnsnefnd.**

Þrír aðalmenn og jafnmargir til vara. Verksvið nefndarinnar er að hafa umsjón með og stjórna Sjóminjasafninu á Eyrarbakka skv. skipulagsskrá safnsins.

11. **Ferðamálanefnd.**

Þrír aðalmenn og jafnmargir til vara. Hlutverk nefndarinnar er að fjalla um og gera tillögur til hreppsnefndar um ferðamál og ferðamannaþjónustu í hreppnum.

12. **Héraðsnefnd Árnesinga.**

Einn fulltrúi og annar til vara skv. samningi sveitarfélaga í Árnessýslu um Héraðsnefnd Árnesinga.

13. **Landsþing Sambands íslenskra sveitarfélaga.**

Einn fulltrúi og annar til vara, skv. 4. gr. laga Sambands íslenskra sveitarfélaga.

14. **Stjórn veitustofnana.**

Þrír aðalmenn og jafnmargir til vara. Verksvið stjórnarinnar er að fjalla um og gera tillögur til hreppsnefndar um málefni Rafveitu Eyrarbakka.

15. **Stjórn bókasafns UMFE.**

Þrír aðalmenn og jafnmargir til vara skv. 7. gr. laga nr. 50/1976 um almenningsbókasöfn og 2. mgr. 13. gr. reglugerðar nr. 138/1978.

**16. Æskulýðsnefnd.**

Prír aðalmenn og þrír til vara. Nefndin skal fjalla um og gera tillögur til hreppsnefndar um æskulýðs- og íþróttamál í hreppnum.

2. gr.

Samþykkt þessi er gerð af hreppsnefnd Eyrarbakkaahrepps og staðfestist hér með samkvæmt 3. mgr. 7. gr. sveitarstjórnarlaga nr. 8/1986 til að öðlast gildi þegar í stað.

*Félagsmálaráðuneytið, 5. september 1990.*

F. h. r.

**Húnbogi Þorsteinsson.**

*Ellý Guðmundsdóttir.*

3. desember 1990

**AUGLÝSING**

Nr. 478

**um staðfestingu deiliskipulags á Kirkjusandi í Reykjavík.**

Samkvæmt skipulagslögum nr. 19 21. maí 1964 hefur ráðuneytið hinn 30. nóvember 1990 staðfest uppdrátt af deiliskipulagi á Kirkjusandi á svæði sem markast af Kringlumýrarbraut, Sætúni, Laugarnesvegi og Borgartúni.

Uppdráttur þessi hefur hlotið þá meðferð sem skipulagslög nr. 19/1964 mæla fyrir um. Borgarstjórn Reykjavíkur hefur samþykkt hann og skipulagsstjórn ríkisins afgreitt hann til staðfestingar félagsmálaráðherra.

*Félagsmálaráðuneytið, 3. desember 1990.*

F. h. r.

**Húnbogi Þorsteinsson.**

*Hólmfríður Snæbjörnsdóttir.*

3. desember 1990

**AUGLÝSING**

Nr. 479

**um staðfestingu á aðalskipulagi Akureyrar 1990–2010.**

Samkvæmt skipulagslögum nr. 19 21. maí 1964 hefur ráðuneytið hinn 30. nóvember 1990 staðfest uppdrátt af aðalskipulagi Akureyrar 1990–2010.

Uppdráttur þessi hefur hlotið þá meðferð, sem skipulagslög nr. 19/1964 mæla fyrir um. Bæjarstjórn Akureyrar hefur samþykkt hann og skipulagsstjórn ríkisins afgreitt hann til staðfestingar ráðherra.

Jafnframt er úr gildi felldur uppdráttur af aðalskipulagi Akureyrar sem staðfestur var af ráðuneytinu 17. desember 1975.

*Félagsmálaráðuneytið, 3. desember 1990.*

F. h. r.

**Húnbogi Þorsteinsson.**

*Hólmfríður Snæbjörnsdóttir.*